

U skladu sa odredbama V. A. 11.b) i e) Ustava Unsko-sanskog kantona - prečišćen tekst („Službeni glasnik Unsko - sanskog kantona“ broj: 1/04 i 11/04) i člana 7. Zakona o Budžetima u Federaciji Bosne i Hercegovine („Službene novine Federacije Bosne i Hercegovine“ broj:102/13, 9/14, 13/14, 8/15, 91/15, 102/15, 104/16, 5/18, 44/18), Skupština Unsko - sanskog kantona, na prijedlog Vlade Unsko – sanskog kantona, na sjednici održanoj dana _____ donosi:

Z A K O N
O IZVRŠAVANJU BUDŽETA UNSKO - SANSKOG KANTONA
ZA 2021. GODINU

POGLAVLJE I. OPĆE ODREDBE

Član 1.
(Predmet Zakona)

Ovim Zakonom uređuje se struktura prihoda i primitaka, te rashoda i izdataka Budžeta Unsko-sanskog kantona za 2021. godinu (u daljem tekstu: Budžet) i njegovo izvršavanje, upravljanje prihodima, izdacima, finansiranje, računovodstvo i nadzor Budžeta, prioriteti plaćanja, zaduživanje i upravljanje dugom, prava i obaveze korisnika budžetskih sredstava (u daljem tekstu: korisnici), kazne za neispunjenje obaveza te druga pitanja u izvršavanju Budžeta.

Član 2.
(Pojam Budžeta)

Budžet je procjena godišnjih iznosa prihoda i primitaka i utvrđenog iznosa rashoda i izdataka Unsko - sanskog kantona (u daljem tekstu: Kanton), kojeg donosi Skupština Unsko - sanskog kantona (u daljem tekstu: Skupština Kantona).

Član 3.
(Dijelovi Budžeta)

- (1) Budžet se sastoji od općeg i posebnog dijela i kapitalnog Budžeta.
- (2) Opći dio Budžeta se sastoji od Računa prihoda i rashoda, Računa kapitalnih primitaka i izdataka i Računa finansiranja.
- (3) U Računu prihoda i rashoda iskazuju se porezni i neporezni prihodi i primici, te izdaci utvrđeni za finansiranje javnih izdataka na nivou Unsko - sanskog kantona na osnovu zakonskih i drugih propisa.
- (4) U Računu kapitalnih primitaka i izdataka iskazuju se primici od nefinansijske imovine i izdaci za nefinansijsku imovinu.
- (5) U Računu finansiranja iskazuju se primici od finansijske imovine, primljeni krediti i zajmovi, te izdaci za finansijsku imovinu i otplatu kredita i zajmova.
- (6) Posebni dio Budžeta sastoji se od plana rashoda i izdataka budžetskih korisnika iskazanih po vrstama raspoređenih u tekuće izdatke i kapitalne investicije.

Član 4.
(Izmjene i dopune Budžeta)

- (1) Svi rashodi i izdaci moraju biti utvrđeni u Budžetu i uravnoteženi sa prihodima i primicima.

(2) Izuzetno, ako se u toku budžetske godine, zbog nastanka novih obaveza za Budžet ili promjena privrednih kretanja povećaju rashodi, odnosno smanje prihodi Budžeta, Vlada Unsko - sanskog kantona (u daljem tekstu: Vlada) može, na prijedlog Ministarstva finansija Unsko - sanskog kantona (u daljem tekstu: Ministarstvo finansija), donijeti odluku o obustavljanju od izvršavanja pojedinih rashoda, u trajanju 45 dana.

(3) Mjerama privremenog obustavljanja izvršavanja, Vlada može:

- a) zaustaviti preuzimanje obaveza i/ili
- b) predložiti produženje ugovorenih rokova plaćanja i/ili
- c) zaustaviti preraspodjelu budžetskih sredstava, potrebno radi preuzimanja obaveza.

(4) O odluci iz stava (2) ovog člana Vlada, odmah nakon donošenja odluke, izvještava Skupštinu Kantona.

(5) Ako za vrijeme provođenja mjera privremene obustave izvršavanja Budžeta, Budžet se ne uravnoteži, Vlada mora predložiti Skupštini Kantona izmjene i dopune Budžeta, najkasnije u roku od 15 dana prije isteka roka za privremenu obustavu izvršavanja Budžeta.

(6) U toku postupka izmjena i dopuna Budžeta, Vlada može na prijedlog ministra Ministarstva finansija produžiti privremenu obustavu izvršavanja pojedinih zadataka.

Član 5. **(Fiskalna godina)**

(1) Budžet se odnosi i važi za fiskalnu 2021. godinu (u daljem tekstu: fiskalna godina).

(2) Fiskalna godina počinje 1. januara, a završava 31. decembra 2021. godine.

Član 6. **(Budžetski korisnici)**

(1) Budžetski korisnici su ministarstva, kantonalne uprave, kantonalne upravne organizacije i ostali čije je finansiranje iz Budžeta predviđeno posebnim propisom (u daljem tekstu: korisnik).

(2) Korisnik koji u svom budžetskom razdjelu sadrži potrošačke jedinice, budžetski je za njih nadležan.

POGLAVLJE II. IZVRŠAVANJE BUDŽETA

Član 7. **(Namjensko korištenje sredstava)**

(1) Sredstva Budžeta osiguravaju se korisnicima koji su u Posebnom dijelu Budžeta određeni za nosioce sredstava na pojedinim pozicijama.

(2) Korisnici mogu sredstva Budžeta, u skladu sa Finansijskim planom, koristiti samo za namjene koje su određene Budžetom, i to do visine utvrđene u Posebnom dijelu Budžeta.

(3) Korisnicima nije dozvoljeno da stvaraju obaveze, odnosno rashode ili opterećenja budžetskih pozicija, ako ti rashodi ili opterećenja budžetskih pozicija nisu odobreni u okviru iznosa alociranog za tog korisnika.

Član 8.
(Namjenski prihodi i primici)

- (1) Namjenski prihodi i primici budžeta, definisani članom 47. Zakona o Budžetima u Federaciji Bosne i Hercegovine, uplaćuju se na Depozitni račun javnih prihoda Unsko-sanskog kantona i iskazuju po izvorima iz kojih potiču.
- (2) Korisnici su obavezni da prilikom izrade svog dijela Budžeta planiraju rashode i izdatke korisnika iz svoje nadležnosti koji se pokrivaju prihodima od obavljanja osnovne djelatnosti.
- (3) Donacije, vlastiti prihodi, grantovi, koji nisu planirani u Budžetu, a ostvare se u toku godine, namjenski se usmjeravaju odlukom Vlade. Ministarstvo finansija na osnovu pismenog dokaza o uplaćenju donaciji i drugoj odgovarajućoj dokumentaciji korisnika vrši povećanje budžeta na rashodovnoj strani odnosno budžetskog korisnika.
- (4) Neutrošena sredstva iz namjenskih prihoda, donacija i grantova, koji nisu utrošeni u prethodnoj godini prenose se u budžet za tekuću budžetsku godinu.

Član 9.
(Način korištenja sredstava Budžeta)

Korisnici sredstva Budžeta koriste u skladu sa odobrenim budžetom, a po dinamici utvrđenoj mjesečnim operativnim planovima.

Član 10.
(Dinamika odobravanja sredstava)

- (1) Budžet se izvršava u skladu sa prilivom sredstava na Jedinstvenom računu Trezora.
- (2) Mjesečnim operativnim planovima utvrđuje se dinamika preuzimanja obaveza, za koje su sredstva namjenski iskazana u posebnom dijelu Budžeta.
- (3) Izuzetno, zbog neusklađenosti priliva sredstava u Budžetu prema mjesečnim operativnim planovima izdataka, Ministarstvo finansija može izmijeniti dinamiku odobravanja sredstava korisnicima.

Član 11.
(Priprema operativnih planova)

- (1) Ministarstvo finansija donosi instrukciju o pripremanju i podnošenju operativnih planova korisnika.
- (2) Korisnici pripremaju i podnose prijedloge operativnih planova Ministarstvu finansija, za slijedeći mjesec do 25. u tekućem mjesecu.
- (3) Prijedlozi operativnih planova obuhvataju rashode za svaki mjesec.
- (4) Ako korisnik Ministarstvu finansija ne podnese prijedlog mjesečnog operativnog plana u roku iz stava (2) ovoga člana, mjesečni plan za tog korisnika utvrđuje Ministarstvo finansija.

Član 12.
(Nadzor nad izvršenjem)

- (1) Rashodi svakog korisnika ne mogu prelaziti iznose alociranih budžetskih sredstava odobrenih za svaki mjesec ili drugi vremenski period koji utvrdi Ministarstvo finansija.
- (2) Ministar Ministarstva finansija (u daljem tekstu: Ministar finansija) ima pravo rješenjem obustaviti od izvršenja svaki akt koji je u suprotnosti sa ovim Zakonom i Zakonom o budžetima u Federaciji Bosne i Hercegovine.

(3) Korisnik ima pravo prigovora na rješenje iz prethodnog stava Vladi u roku od osam dana od dana prijema rješenja.

Član 13.
(Izvršenje mjesečnih operativnih planova)

Ministarstvo finansija izvršava mjesečne operativne planove po korisnicima i izdacima, u skladu sa raspoloživim sredstvima.

Član 14.
(Neurošena mjesečna sredstva)

Ministarstvo finansija prenosi neurošena sredstva po pojedinim stavkama izdataka iz mjesečnog plana izvršavanja Budžeta na iste stavke u naredni mjesečni plan izvršavanja Budžeta iste budžetske godine.

Član 15.
(Postupak nabavke roba, usluga i radova)

Postupak nabavke roba, usluga i radova obavljat će se u skladu sa Zakonom o javnim nabavkama Bosne i Hercegovine („Službeni glasnik Bosne i Hercegovine“ broj: 39/14).

Član 16.
(Preraspodjela sredstava)

- (1) Ministarstvo finansija, jednom kvartalno, na prijedlog budžetskog korisnika, može donijeti odluku o prestrukturiranju rashoda u okviru ukupnog iznosa odobrenog za budžetskog korisnika.
- (2) Korisniku se odobrava preraspodjela svih vrsta rashoda, a najviše do 10% od ukupno odobrenih rashoda, izuzev tekućih izdataka po osnovu plaća i naknada zaposlenih, sa kojih je dozvoljena preraspodjela samo unutar istih ekonomskih kodova, 611000 , 612000 i 613900 - ugovorene usluge - naknada skupštinskim zastupnicima.
- (3) U okviru odobrenog budžeta, izuzetno Vlada može, na prijedlog Ministarstva finansija, odobriti preraspodjelu sredstava između budžetskih korisnika, a najviše do 10% ukupnog Budžeta Kantona..
- (4) Nije dozvoljena preraspodjela između tekućeg i kapitalnog Budžeta, osim namjenskih prihoda i primitaka, iz člana 8. ovog Zakona.
- (5) Uz zahtjev za preraspodjelu odobrenih sredstava, budžetski korisnik mora priložiti odgovarajuću dokumentaciju na osnovu koje se Ministarstvu finansija daju na uvid razlozi za dodatnim sredstvima na budžetskoj stavci koja se povećava do kraja godine, odnosno razlozi za smanjenje odobrenih budžetskih stavki.

Član 17.
(Korištenje aproprijacija)

- (1) Odobrene aproprijacije za fiskalnu godinu mogu se koristiti do 31. januara naredne godine.
- (2) Aproprijacije se mogu prenositi u narednu fiskalnu godinu za finansiranje kapitalnih projekata iz posebnih fondova, kao i za finansiranje projekata od posebnog značaja za razvoj.

(3) Aproprijacije u svrhu finansiranja višegodišnjih kapitalnih projekata prenose se u narednu fiskalnu godinu prema iznosima i vremenskom rasporedu utvrđenom u Dokumentu okvirnog budžeta.

Član 18. **(Prioriteti izvršavanja Budžeta)**

Budžet Unsko - sanskog kantona izvršava se po slijedećim prioritetima:

- a) krediti,
- b) plaće, doprinosi i naknade zaposlenima,
- c) obaveze iz prethodne godine
- d) beneficije za socijalnu zaštitu, izdaci za boračku populaciju, subvencije u poljoprivredi i privredi,
- e) ostali izdaci.

Član 19. **(Tekuća rezerva Budžeta)**

- (1) Sredstva Tekuće rezerve planirana u budžetu koriste se za nepredviđene namjene, za koje u Budžetu nisu planirana sredstva ili za namjene za koje se tokom godine pokaže da za njih nisu utvrđena dovoljna sredstva, jer ih pri planiranju Budžeta nije bilo moguće predvidjeti.
- (2) Sredstva Tekuće rezerve ne mogu se koristiti za pozajmljivanje i preraspodjelu.
- (3) Korištenje sredstava Tekuće rezerve Budžeta odobrava Vlada, na prijedlog Ministarstva finansija i premijer Kantona.
- (4) Svako korištenje Tekuće rezerve Vlade objavljuje se u „Službenom glasniku Unsko-sanskog kantona“.
- (5) Vlada raspolaže sredstvima Tekuće rezerve do iznosa od 50.000 KM, a premijer Kantona raspolaže sredstvima iz Tekuće rezerve Budžeta u toku fiskalne godine do iznosa 150.000 KM.
- (6) Ministarstvo finansija obavezano je tromjesečno izvještavati Vladu o korištenju Tekuće rezerve Budžeta.
- (7) Vlada polugodišnje izvještava Skupštinu Kantona o korištenju sredstava Tekuće rezerve Budžeta.

Član 20. **(Kriteriji za korištenje Tekuće rezerve)**

- (1) Budžetskim korisnicima može se odobriti korištenje sredstava tekuće rezerve ukoliko ispunjavaju jedan od slijedećih kriterija:
 - a) finansiranje hitnih i nepredviđenih rashoda i izdataka za tekuću fiskalnu godinu,
 - b) finansiranje hitnih i nepredviđenih izdataka za sponzorstva i pokroviteljstva, kada se kao sponzor ili pokrovitelj pojavljuje Vlada,
 - c) sufinansiranje odobrenih programa finansiranih iz drugih izvora, a koji se realizuju sa domaćim ili inostranim partnerom ili drugim nivoom vlasti.
- (2) Drugim nivoima vlasti (grad i općine na području Kantona) može se odobriti korištenje sredstava tekuće rezerve u slučaju elementarnih nepogoda i drugih prirodnih nesreća, pod uslovima da je stanje elementarne nepogode proglašeno od strane nadležnog organa.
- (3) Ostalim korisnicima, koji nisu definisani kao budžetski korisnici ili drugi nivoi vlasti, **može se odobriti korištenje sredstava Tekuće rezerve u slučaju:**

- a) finansiranja dijela hitnih i nepredviđenih troškova za učešće pojedinaca i udruženja građana ili sportskih klubova sa područja Kantona na svjetskim, evropskim i državnim takmičenjima, manifestacijama i skupovima, ako se takvo učešće nije moglo predvidjeti na početku fiskalne godine,
- b) finansiranja nepredviđenih projekata od interesa za Kanton,
- c) u drugim slučajevima kada Vlada Kantona utvrdi opravdanim korištenje sredstava budžetske rezerve za pokriće hitnih i nepredviđenih izdataka.

Član 21.

(Prenos nadležnosti, odnosno prestanak postojanja Budžetskog korisnika)

(1) Ako se u toku fiskalne godine prenesu određene nadležnosti budžetskog korisnika ili sam budžetski korisnik prestane da postoji, Vlada je dužna da uspostavi komisiju za popis imovine, obaveza i potraživanja. Nakon usvajanja izvještaja komisije, Ministarstvo finansija vrši prenos neutrošenih sredstava za njegove rashode i izdatke u Tekuću rezervu Budžeta ili budžetskom korisniku koji preuzima njegove poslove, na osnovu odluke Vlade.

(2) Ako se u toku fiskalne godine prošire određene nadležnosti budžetskog korisnika ili se uspostavi novi budžetski korisnik, Vlada je dužna da obezbijedi sredstva za finansiranje istog iz Tekuće rezerve Budžeta.

Član 22.

(Uplata javnih prihoda)

Sav prikupljeni i naplaćeni javni prihod, koji pripada Budžetu, obavezno se uplaćuje na Depozitni račun javnih prihoda Unsko - sanskog kantona, u skladu sa Zakonom o trezoru u Federaciji Bosne i Hercegovine („Službene novine Federacije Bosne i Hercegovine“ broj: 26/16) i Pravilnikom o načinu uplate javnih prihoda budžeta i vanbudžetskih fondova na teritoriji Federacije Bosne i Hercegovine.

Član 23.

(Povrat više ili pogrešno uplaćenih prihoda)

(1) Povrat više ili pogrešno uplaćenih prihoda u tekućoj godini vrši se sa računa javnih prihoda (depozitnog računa) iz tekućeg priliva.

(2) Povrat više ili pogrešno uplaćenih prihoda koji nisu uplaćeni u tekućoj godini vrši se sa transakcijskog računa Budžeta Kantona ili namjenskih podračuna.

(3) Povrat više ili pogrešno uplaćenih javnih prihoda vrši se na osnovu dokumentacije sa kojom se raspolaže o više ili pogrešno uplaćenom javnom prihodu i rješenja koje izdaje nadležni organ za kontrolu javnih prihoda.

(4) Rješenje donosi Ministarstvo finansija, a u skladu sa Pravilnikom o procedurama za povrat i preknjiženje više ili pogrešno uplaćenih javnih prihoda sa Jedinstvenog računa trezora Unsko - sanskog kantona („Službeni glasnik Unsko –s anskog kantona“ broj: 20/17).

Član 24.

(Troškovi službenog puta)

Visina dnevnica, naknada za putne i druge troškove koji nastanu u vezi službenih putovanja, za sve korisnike koji se finansiraju iz sredstava Budžeta, određuje se posebnim aktom Vlade Unsko - sanskog kantona.

Član 25.
(Naknada skupštinskim poslanicima)

Sredstva utvrđena u razdjelu 10. Budžeta, pozicija "Naknada skupštinskim poslanicima" (poslanički paušal) doznavačavaju se Skupštini Kantona, na osnovu Zakona kojima se reguliše odnosna oblast, akata Skupštine Kantona i radnih tijela Skupštine i sredstava planiranih u Budžetu.

Član 26.
(Sredstva za parlamentarne stranke)

Sredstva utvrđena u razdjelu 10. Budžeta, pozicije „Grant neprofitnim organizacijama-parlamentarne stranke“ raspoređuje se na način da se:

- a) 40% sredstava dijeli jednako svim političkim strankama, koje su osvojile mandate,
- b) 60% sredstava dijeli prema broju poslaničkih mandata, koje svaka politička stranka ima na dan dodjele mandata.

Član 27.
(Sredstva za sudska izvršenja i vansudske nagodbe)

(1) Sredstva utvrđena u razdjelu 11. Budžeta, pozicija „Sudska izvršenja“ izvršavaju se u skladu sa pozitivnim zakonskim zapisima.

(2) Sredstva utvrđena u razdjelu 11. Budžeta, pozicija „sporazum za izvršenje finansijskih potraživanja koja su dosuđena pravosnažnom sudskom odlukom“ izvršavat će se po kriterijima koji utvrdi Vlada i po prethodno provedenom postupku javnog oglašavanja.

Član 28.
(Sufinansiranje rada Agencije za privatizaciju)

Sredstva utvrđena u razdjelu 11. Budžeta, pozicija «Grant Agencija za privatizaciju» služe za sufinansiranje rada Agencije za privatizaciju Unsko - sanskog kantona.

Član 29.
(Učešće Vlade u projektima)

Sredstva utvrđena u razdjelu 11. Budžeta, pozicija «Učešće Vlade u međunarodnim projektima », raspoređuju se Odlukom Vlade na osnovu iskazanih potreba za učešće u zajedničkom projektu.

Član 30.
(Grantovi drugim nivoima vlasti)

(1) Sredstva utvrđena u razdjelu 13., 15., 16., 17., 19. i 27. grantovi na ekonomskom kodu 614 100, realizirat će se prema programu utroška sredstava koji donosi Vlada, na prijedlog resornih ministarstava.

(2) Isplata sredstava granta u tekućoj godini nije moguća prije nego što se opravdaju sredstva doznačena u prethodnoj godini, izuzev u razdjelu 19., za lokalne zajednice čija je implementacija u toku.

Član 31.
(Transfer za zdravstvo KB „Dr Irfan Ljubijankić“)

Sredstva utvrđena u razdjelu 17. Budžeta „Transfer za zdravstvo KB „Dr. Irfan Ljubijankić“, izvršit će se na osnovu programa utroška sredstava, koji na prijedlog resornog ministarstva donosi Vlada.

Član 32.
(Tekući grantovi - poljoprivreda)

Za sredstva utvrđena u razdjelu 20. „Tekući grantovi“, provest će se postupak javnog oglašavanja, po kriterijima koje će utvrditi Vlada, na prijedlog resornog ministarstva.

Član 33.
(Realizacija Odluka Ustavnog suda po apelacijama)

Sredstva utvrđena u razdjelu 13. „Grantovi pojedincima - Odluke Ustavnog suda po apelacijama“, služit će za realizaciju Odluka Ustavnog suda Bosne i Hercegovine.

Član 34.
(Grantovi neprofitnim organizacijama – RA USK)

Sredstva utvrđena u razdjelu 15. Budžeta „Grantovi neprofitnim organizacijama - RA USK“ služe za sufinansiranje rada JU „Razvojna agencija Unsko-sanskog kantona“ Bihać i koristit će se u skladu sa programom utroška sredstava koji će utvrditi Vlada na prijedlog resornog ministarstva.

Član 35.
(Grant - oblast turizma)

Sredstva utvrđena u razdjelu 15. Budžeta, „Grant –oblast turizma“, koristiće se prema programu utroška, koji donosi Vlada na prijedlog resornog ministarstva.

Član 36.
(Grantovi neprofitnim organizacijama i udruženjima)

Sredstva za finansiranje neprofitnih organizacija i udruženja, koji nisu obuhvaćeni posebnom odredbom ovog Zakona, izvršavat će se u okviru razdjela ministarstva na osnovu Javnog poziva, a po kriterijima koje će posebnim propisima donijeti Vlada, na prijedlog resornih ministarstava.

Član 37.

(Projekti javno - privatnog partnerstva)

(1) Korištenje sredstava utvrđenih u razdjelu 15. Budžeta, ekonomski kod 613 900 Ugovorene usluge- JPP obavljat će se u skladu sa Zakonom o javnim nabavkama Bosne i Hercegovine („Službeni glasnik Bosne i Hercegovine“ broj: 39/14).

(2) Sredstva utvrđena u razdjelu 15. Budžeta ekonomski kod 821500 – „Studije izvodljivosti projektne pripreme i projektovanje“, koristit će se u skladu sa programom utroška sredstava koji će utvrditi Vlada, na prijedlog resornog ministarstva.

Član 38.

(Tekući grantovi neprofitnim organizacijama)

(1) Sredstva utvrđena u razdjelu 17. „Tekući grantovi“ i to: „Grantovi neprofitnim organizacijama - kantonalna udruženja osoba sa invaliditetom“, „Grantovi neprofitnim organizacijama“ i „Grantovi neprofitnim organizacijama - pomoć radu javnih kuhinja“, realizirat će se na osnovu javnog poziva, a po kriterijima koje će posebnim propisima donijeti Vlada, na prijedlog Ministarstva zdravstva, rada i socijalne politike.

(2) Sredstva utvrđena u razdjelu 17. „Tekući grantovi“ i to: „Grant - Duga Kulen Vakuf“, „Grant neprofitnim organizacijama - sigurna kuća“, „Grant neprofitnim organizacijama - Crveni križ USK“, „Grant neprofitnim organizacijama - Savez udruženja penzionera USK“ i „Grant neprofitnim organizacijama - Roditeljska kuća udruženja Srce za djecu“ realizirat će se na osnovu programa utroška, koji na prijedlog resornog ministarstva, donosi Vlada.

Član 39.

(Ostali Grantovi pojedincima)

Sredstva tekućih grantova pojedincima, a za koje izvršenje nije utvrđeno posebnom odredbom ovog Zakona, dodjeljivat će se pojedinačnim odlukama, a po kriterijima koje će posebnim propisima donijeti Vlada, na prijedlog resornih ministarstava.

Član 40.

(Tekući transferi-smještaj studenata)

„Sredstva utvrđena u razdjelu 18. Budžeta „Tekući transferi za smještaj studenata u studentske domove“ dodjeljivat će se po programu utroška, koji usvoji Vlada, na prijedlog resornog ministarstva.“

Član 41.

(Subvencije javnim preduzećima i ustanovama i Subvencije privatnim preduzećima i poduzetnicima)

(1) Za raspoređivanje sredstava utvrđenih u razdjelu 18. Budžeta „Subvencije javnim ustanovama“, raspoređivat će se na osnovu odluke o sufinansiranju smještaja i ishrane studenata sa područja Kanona u studentskim centrima u Federaciji Bosne i Hercegovine, koju na prijedlog resornog ministarstva, donosi Vlada.

(2) Sredstva utvrđena u razdjelu 15. i 19. Budžeta „Subvencije javnim preduzećima“ i „Subvencije preduzećima i poduzetnicima“, provest će se postupak javnog oglašavanja po kriterijima, u skladu sa programom, koje će utvrdi Vlada, na prijedlog resornog ministarstva.

(3) Sredstava utvrđena u razdjelu 15. Budžeta „Subvencije javnim preduzećima - Nacionalni park“, „Subvencije javnim preduzećima – RTV USK“ i „Subvencije javnim preduzećima - JKP KOMB Bužim“ dodjeljivat će se po programu utroška, koji usvoji Vlada, na prijedlog resornog ministarstva.

(4) Za raspoređivanje sredstava utvrđenih u razdjelu 19. Budžeta „Subvencije privatnim preduzećima i poduzetnicima“ provest će se postupak javnog oglašavanja po kriterijima koje utvrdi Vlada na prijedlog resornog ministarstva.

(5) Za raspoređivanje sredstava utvrđenih u razdjelu 20. Budžeta „Ostala javna preduzeća poljoprivredni sajmovi, prezentacije i izložbe“ i „Grant Veterinarskom zavodu“ dodjeljivati će se na osnovu kriterija koje će utvrditi Vlada, na prijedlog resornog ministarstva.

(6) Za raspoređivanje sredstava utvrđenih u razdjelu 20. Budžeta „Subvencije privatnim preduzećima i poduzetnicima - naknada šteta za uginule životinje“, dodjeljivat će se po programu utroška, koji usvoji Vlada na prijedlog resornog ministarstva.

Član 42.

(Subvencije u poljoprivredi)

(1) Sredstva utvrđena u razdjelu 20. Budžeta, pozicija „Subvencije u poljoprivredi“ raspoređuje resorno ministarstvo, u skladu sa posebnim propisima.

(2) Sredstva utvrđena u razdjelu 20. Budžeta „Subvencije za poticanje razvoja poljoprivredne proizvodnje“ dodjeljuju se putem javnog oglašavanja po osnovu kriterija utvrđenih programom subvencija za poticanje razvoja poljoprivredne proizvodnje, koje donosi resorno ministarstvo, uz saglasnost Vlade.

Član 43.

(Sredstva za vjeru, kulturu, sport i predškolsko obrazovanje, Grantovi pojedincima, Javna preduzeća i Javne ustanove)

(1) Sredstva utvrđena u razdjelu 18. pozicije „Grant za vjeru“ i pozicija „Grant za sport“ koriste se po programu, koji na prijedlog resornog ministarstva, donosi Vlada.

(2) Sredstva utvrđena u razdjelu 18. „Ostali grantovi pojedincima - naučno istraživački rad“ dodjeljuju se prema kriterijima, koje na prijedlog resornog ministarstva donosi Vlada.

(3) Sredstva utvrđena u razdjelu 18. „Grant za kulturu“ dodjeljuju se putem postupka javnog poziva, po utvrđenim kriterijima, koje na prijedlog resornog ministarstva usvaja Vlada.

(4) „Grant za mlade“ dodjeljuju se na način da 70% sredstava se dodjeljuje po postupku javnog oglašavanja, u skladu sa kriterijima koje utvrđuje Vlada, na prijedlog resornog ministarstva, a 30% sredstava po Programu utroška sredstava, koji na prijedlog resornog ministarstva donosi Vlada, u cilju implementacije Strategije za mlade i akcionih planova.

(5) Sredstva utvrđena u razdjelu 18. pozicija „Grant predškolsko obrazovanje – dječiji vrtići“ i „Grant privatni vrtići“, služe za finansiranje rada predškolskih ustanova.

(6) Sredstva utvrđena u razdjelu 18. pozicija „Grant JP RTV USK“ služit će za sufinansiranje rada preduzeća i kapitalna ulaganja, na osnovu programa utroška sredstava, koji će na prijedlog resornog ministarstva utvrditi Vlada.

(7) Sredstva utvrđena u razdjelu 18. pozicija „Grant US-novine“ služit će za sufinansiranje rada preduzeća, na osnovu programa utroška sredstava, koji će na prijedlog resornog ministarstva utvrditi Vlada.

(8) Sredstva utvrđena u razdjelu 18. pozicija „Grant - KŠC- sufinansiranje osnovne škole“ služit će za sufinansiranje osnovnog obrazovanja, na osnovu programa utroška sredstava, koji na prijedlog resornog ministarstva donosi Vlada.

Član 44.
(Kapitalni grantovi kulture)

(1) Sredstva utvrđena u razdjelu 18. 01 pozicije „Grant za obnovu kulturnog naslijeđa - nacionalni spomenici“ i „Grant za obnovu objekata kantonalnih ustanova kulture“ raspoređit će se na osnovu odluke Vlade, na prijedlog resornog ministarstva.

(2) Sredstva utvrđena u razdjelu 18. pozicija „Grant za obnovu objekata i lokaliteta kulturnog naslijeđa“ i „Grant za obnovu objekata kulture“ dodjeljuju se putem javnog poziva, na osnovu kriterija, koje na prijedlog resornog ministarstva donosi Vlada.

Član 45.
(Nabavka zemljišta i građevina)

Sredstva utvrđena u razdjelu 12. glava 01 i razdjel 17. glava 02 pozicije - „Nabavka zemljišta“, a sredstva utvrđena u razdjelu 12. i razdjelu 18. glava 03 i 04 Budžeta - pozicija „Nabavka građevina“, izvršit će se u skladu sa Odlukom Vlade.

Član 46.
(Rekonstrukcija školskih objekata)

Sredstva utvrđena u razdjelu 18. pozicije „Rekonstrukcija i investiciono održavanje“ raspoređit će na korisnike svojom Odlukom Vlada, na prijedlog resornog ministarstva, unutar konta grupe 821.

Član 47.
(Ostala domaća pozajmljivanja)

Sredstva utvrđena u razdjelu 14. ekonomski kod 822600 „Izdaci za finansijsku imovinu“ vratit će se na namjenske račune Budžeta Unsko - sanskog kantona , odlukom Vlade.

Član 48.
(Studije, projektne pripreme i projektovanje)

Sredstva utvrđena na pozicijama „Studije, projektne pripreme i projektovanje“, na osnovu programa predloženog od strane resornog ministarstva, raspoređuje Vlada.

Član 49.
(Ostali kapitalni transferi)

Sredstva utvrđena u razdjelu 11., 15., 16., 18., i 20. Budžeta “Kapitalni transferi”, koriste se po programima koje donosi Vlada, na prijedlog resornih ministarstava.

Član 50.
(Sredstva za posebne namjene)

Sredstva utvrđena u razdjelu 27. Budžeta „Posebne namjene“ su namjenska sredstva za zaštitu i spašavanje, akumulirana iz prethodnih godina, a koriste se u skladu sa Odlukom o uslovima i načinu korištenja sredstava ostvarenih po osnovu posebnog poreza za zaštitu od prirodnih i drugih nesreća („Službene novine Federacije BiH“ broj: 46/05 i 61/07), na osnovu Godišnjeg

plana korištenja sredstava za zaštitu i spašavanje, kojeg donosi Kantonalna uprava civilne zaštite, uz pribavljeno mišljenje Kantonalnog štaba civilne zaštite.

Član 51.

(Izdaci za kamate)

Sredstva utvrđena u razdjelima "Izdaci za kamate i ostale naknade" izvršavaju se po dospelosti plaćanja.

Član 52.

(Program utroška sredstava)

- (1) Nadležni korisnici budžetskih sredstava, a koji su u obavezi u skladu sa odredbama ovog Zakona, predlažu Vladi programe utroška sredstava.
- (2) Sredstva se ne mogu koristiti prije nego što se operativno odobre i Vlada svojom Odlukom prihvati program utroška.
- (3) Bitni elementi programa su: naziv i svrha programa, visina i izvori sredstava i naziv organizacije koja prima grant.
- (4) Ukoliko se programom utroška sredstva dodjeljuju budžetskom korisniku, ista će se rasporediti na datog budžetskog korisnika, u skladu sa programom utroška.
- (5) O utrošenim sredstvima iz stava (1) ovog člana budžetski korisnici polugodišnje izvještavaju Vladu.

Član 53.

(Plan nabavke stalnih sredstava)

Korisnik izrađuje Plan nabavke stalnih sredstava, koji mora biti u skladu sa prijedlogom finansijskog plana budžetskog korisnika i predlaže ga nadležnom ministarstvu, odnosno organu nadležnom za budžetskog korisnika, u skladu sa Zakonom o javnim nabavkama Bosne i Hercegovine.

Član 54.

(Plaće i naknade troškova zaposlenih)

- (1) Sredstva, pozicija "Plaće i naknade troškova zaposlenih" doznačavaju se korisnicima Budžeta na osnovu Zakona kojima se reguliše odnosna oblast, akata koje donosi Vlada, sredstava planiranih u Budžetu i drugih općih akata.
- (2) Isplata iz prethodnog stava se vrši samo do visine sredstava planiranih u Budžetu za te namjene.
- (3) U slučaju da su planirana sredstva u budžetu manja od iznosa obračunatog primjenom utvrđene osnovice primjenjivat će se koeficijent za obračun.
- (4) Koeficijent, iz prethodnog stava se izračunava tako da se iznos sredstava planiranih u Budžetu za tekuću budžetsku godinu dijeli sa iznosom koji je obračunat na osnovu utvrđene osnovice za obračun.

Član 55.

(Naknade za pomoć u slučaju smrti, bolesti ili teže invalidnosti)

- (1) Sredstva utvrđena u razdjelima Budžeta "Pomoć u slučaju smrti ili teže invalidnosti" doznačavaju se korisnicima Budžeta na osnovu zakona kojima se reguliše odnosna oblast, akata koje donosi Vlada, sredstava planiranih u Budžetu i drugih općih akata.